

**AKT THEMELIMI DHE STATUTI  
I SHOQËRISË  
“ALBATRANS LTD” sh.p.k**

**TITULLI I  
THEMELIMI, OBJEKTI, KOHËZGJATJA, SELIA**

**NENI 1  
THEMELIMI, EMRI DHE THEMELUESIT**

Sot më datë 23.09.2019 themeluesi krijon një shoqëri me përgjegjësi të kufizuar nën emërtimin “Albatrans ltd” sh.p.k, e cila vepron dhe organizohet në përputhje me Ligjin Nr. 9901, datë 14.04.2008 “Për tregtarët dhe shoqëritë tregtare”.

Ortakët themelues të shoqërisë janë:

Z. **Nikolajs Belans** , shtetas Letonez, lindur më 25.03.1984 në Riga, Letoni dhe banues në Tiranë, rruga “Rrapo Hekali”, Nd. 35, hyrja 2, ap. 23, me zotësi të plotë për të vepruar, mbajtës i pasaportës Nr. LV4919363.

**NENI 2  
OBJEKTI I VEPRIMTARISË**

Objekti i veprimtarisë i shoqërisë “Albatrans ltd” sh.p.k, do të jetë importi dhe eksporti i mallrave të ndryshme, tregtimi me shumicë dhe pakicë i mallrave dhe prodhimi për qëllim shitje ose eksport të mallrave.

**NENI 3  
KOHËZGJATJA**

Kohëzgjatja e shoqërisë “Albatrans ltd” sh.p.k, është e pakufizuar. Ajo mund të pushojë veprimtarinë e saj në çdo moment, sipas vendimit të Asamblesë së Ortakëve, sipas modaliteteve ligjore.

#### NENI 4 SELIA E SHOQËRISË

Selia e shoqërisë “Albatrans ltd” sh.p.k, është në adresën: “Rrapo Hekali”, Nd. 35, hyrja 2, ap. 23, Tiranë, Shqipëri.

#### NENI 5 DEGET, ZYRAT E PËRFAQËSIMIT DHE PJESMARRJET

Shoqëria në përputhje me rregullimet ligjore në fuqi mund të hapë degë ose zyra përfaqësimi në Shqipëri ose jashtë saj dhe të fillojë dhe/ose të marrë pjesë në aktivitete të tjera të cdo forme.

#### TITULLI II KAPITALI, KUOTAT

#### NENI 6 KAPITALI I SHOQËRISË

Kapitali themeltar i shoqërisë është 100 (njëqind ) Lekë, i përbërë nga 1 kuotë me vlerë nominale 100 (një qind) Lekë.

Kapitali i shoqërisë zotërohet nga ortaku i vetëm i saj 100%.

**NENI 7**  
**ÇERTIFIKATAT E KUOTAVE TË KAPITALIT**

Ortaku, në momentin e marrjes së pronësisë së kuotave të kapitalit, fiton të drejtën të marrë pa pagesë një certifikatë për të gjitha kuotat që zotëron. Ky vërtetim nuk ka natyrën e letrës me vlerë.

**NENI 8**  
**KALIMI I KUOTAVE ME KONTRATE**

Pjesët/kuotat e kapitalit janë lirisht të transferueshme.

Kontrata e kalimit të kuotës bëhet me shkrim dhe i njoftohet selisë së regjistruar të shoqërisë.

**NENI 9**  
**ZMADHIMI DHE ZVOGËLIMI I KAPITALIT**

Ortaku i Vetëm me vendim mund ta zmadhojë kapitalin, duke rritur numrin e kuotave ekzistuese ose duke rritur vlerën nominale të tyre. I njëjti vendim kërkohet edhe kur zmadhimi i kapitalit pritet t'u japë mundësi ortakëve të rinj të hyjnë në shoqëri.

Ortaku i vetëm i shoqërisë mund të vendosi zvogëlimin e kapitalit themeltar.

**TITULLI III**

## ASAMBLEJA E PËRGJITHSHME

### NENI 10

#### FUNKSIONET E ASAMBLESESË SË PËRGJITHSHME

Të drejtat dhe detyrimet e asamblesë së përgjithshme ushtrohen nga ortaku i vetëm në përputhje me parashikimet e ligjit Nr. 9901, datë datë 14.4.2008 PËR TREGTARËT DHE SHOQËRITË TREGTARE.

Të gjitha vendimet e marra nga ortaku i vetëm regjistrohen në një regjistër të vendimeve, të dhënat e të cilit nuk mund të ndryshohen ose të fshihen

### TITULLI IV

#### ADMINISTRATORËT

### NENI 11

#### EMËRIMI I ADMINISTRATORIT/EVE

Asambleja e Përgjithshme emëron një ose më shumë persona fizikë si administrator të shoqërisë për pesë vjet.

Administrator i shoqërisë “Albatrans ltd” sh.p.k, do të jetë, Z. **Nikolajs Belans**, shtetas Letonez, lindur më 25.03.1984 në Riga, Letoni dhe banues në Tiranë, rruga “Rrapo Hekali”, Nd. 35, hyrja 2, ap. 23, me zotësi të plotë për të vepruar, mbajtës i pasaportës Nr. LV4919363; me një kohëzgjatje të ushtrimit të detyrës për pesë vjet, me të drejtë ripërtëritje.

### NENI 12

## KOMPETENCAT DHE DETYRAT E ADMINISTRATORIT

Veprimtaria tregtare e shoqërisë menaxhohet nga Administratori i cili mund t'i ushtroj të gjitha kompetencat e shoqërisë që nuk i janë rezervuar Asamblesë së Përgjithshme nga Ligji.

### TITULLI V DIVIDENDËT DHE KAPITALIZIMI I FITIMEVE

#### NENI 13 DIVIDENDËT

Pas përmbushjes së kërkesave të Nenit 77 të Ligjit, shoqëria, me anë të një vendimi të kualifikuar, mund të deklarojë shpërndarjen e dividendëve në përputhje me të drejtat përkatëse të ortakëve.

Me përjashtim të rasteve kur parashikohet ndryshe nga të drejtat që u lidhen kuotave, të gjithë dividendët deklarohen dhe paguhen në përputhje me shumat e paguara për kuotat në lidhje me të cilët paguhet dividendi. Të gjithë dividendët përpjesëtohen dhe paguhen në përpjesëtim me shumat e paguara për kuotat gjatë pjesës ose pjesëve të periudhës në lidhje me të cilat paguhet dividendi. Por, nëse kuotat emetohen me kushtin se merr dividend duke filluar nga një datë e caktuar, atëherë kuota në fjalë e merr dividendin sipas këtij kushti.

Asnjë dividend dhe asnjë mjet monetar i pagueshëm në lidhje me një kuotë nuk mund të fitojë interesa nga shoqëria nëse një gjë e tillë nuk parashikohet në të drejtat që i lidhen kuotës.

Nëse një dividend nuk është tërhequr pas dymbëdhjetë vjetëve nga data kur mund të tërhiqet pagesa, nëse Asambleja e Përgjithshme vendos me vendim të kualifikuar, ky dividend mund të anulohet dhe shoqëria nuk është më e detyruar ta paguajë.

## TITULLI VI PRISHJA DHE NJOFTIMET

### NENI 14 PRISHJA DHE LIKUIDIMI

Në rast të likuidimit të shoqërisë, likuiduesi, me autoritetin që i jep një vendim i kualifikuar i Asamblesë së Përgjithshme dhe në përputhje me Ligjin, mund t'u shpërndajë ortakëve të gjithë vlerën ose një pjesë të vlerës së pasurive të shoqërisë dhe, për këtë qëllim, mund t'i vlerësojë pasuritë dhe të përcaktojë se si të bëhet një shpërndarje e tillë midis ortakëve.

### NENI 15 NJOFTIMET

Njoftimet që u bëhen ortakëve ose që bëjnë personat sipas Statutit duhet të jenë me shkrim ose me letër rekomande me marrje përgjigje në adresat respektive

### ORTAKU THEMELUES

SHOQËRISË "ALBATRANS LTD" SH.P.K,

*Përkthet në*  
*Alban Rime*  


Nikolajs Belans

